

Pravosudna komisija Brčko distrikta BiH, na osnovu člana 14. stav (1) tačka n) Zakona o Pravosudnoj komisiji Brčko distrikta BiH („Službeni glasnik Brčko distrikta BiH“, br.: 19/07, 20/07 i 02/08) i odredbe člana 116. Zakona o Sudskoj policiji Brčko distrikta BiH („Službeni glasnik Brčko distrikta BiH“, broj: 03/21) , na ____ redovnoj sjednici održanoj dana ____ godine donosi sljedeći

PRAVILNIK O UNIFORMI I SLUŽBENIM OZNAKAMA SUDSKE POLICIJE BRČKO DISTRIKTA BIH

DIO PRVI - OSNOVNE ODREDBE

Član 1 (Predmet pravilnika)

Pravilnikom o izgledu i nošenju uniforme i službenim oznakama Sudske policije Brčko distrikta BiH (u daljnjem tekstu: Pravilnik) propisuju se vrste i sastavni dijelovi uniforme i dodatne opreme, izgled i tehničke karakteristike, zaduženja, zamjene i razduženja uniforme i dodatne opreme, izgled oznaka na uniformi, način nošenja uniforme, dodatne opreme i oznaka na uniformi službenika Sudske policije Brčko distrikta BiH (u daljnjem tekstu: Sudska policija).

Član 2 (Obaveze nošenja uniforme)

Službenik sudske policije je dužan, prilikom obavljanja službenih poslova nositi uniformu, a samo izuzetno i u slučajevima predviđenim zakonom i podzakonskim propisima, može nositi civilno odijelo.

Član 3 (Značenje izraza)

(1) Izrazi koji se koriste u ovom Pravilniku, koji imaju rodno značenje, bez obzira jesu li korišteni u muškom ili ženskom rodu, odnose se jednako i na muški i ženski rod, osim ako kontekst ne zahtijeva drugačije.

(2) Izrazi koji se koriste u ovom Pravilniku, koji su navedeni u jednini ili množini odnose se jednako i na jedninu i množinu, osim ako kontekst ne zahtijeva drugačije.

DIO DRUGI – VRSTA I SASTAVNI DIJELOVI UNIFORME

Član 4 (Vrste uniforme)

Vrste uniformi su:

- a) osnovna uniforma,
- b) posebna uniforma.

Član 5 (Sastavni dijelovi osnovne uniforme)

Osnovna uniforma se sastoji od sljedećih sastavnih dijelova:

- a) kapa kačket;
- b) košulja kratkih rukava;
- c) košulja dugih rukava
- d) majica kratkih rukava sa kragom
- e) majica kratkih rukava sa okruglim izrezom;
- d) pantalone;
- e) kratka jakna;
- f) duga jakna sa podjaknom;
- g) džemper;
- i) rukavice;
- j) cipela plitka;
- k) cipela poluduboka;
- l) čarape.

Član 6 (Posebna uniforma)

(1) Službenik sudske policije prilikom obavljanja službenih poslova može dužiti i nositi i posebnu uniformu.

(2) U zavisnosti od poslova i zadataka službenika sudske policije posebna uniforma može biti: radna uniforma, sportska oprema, građansko odijelo i svečana uniforma.

(3) U skladu sa nadležnostima Sudske policije i poslovima i zadacima službenika sudske policije, komandir Sudske policije će u skladu sa potrebama predložiti predsjedniku Pravosudne komisije Brčko distrikta BiH donošenje posebne odluke o nabavci, zaduženju i noženju posebne uniforme.

(4) Odlukom iz predhodnog stava će biti propisani izgled, sastavni dijelovi, tehničke karakteristike i način nošenja posebne uniforme.

Član 7 (Dodatna oprema)

Dodatna oprema u skladu sa zaduženjem službenika sudske policije može se sastojati od:

- a) opasač sa pripadajućim futrolama;
- b) futrola/torbica za skriveno nošenje pištolja;
- c) kaiš za pantalone;
- d) baterijska lampa;
- e) komplet prve pomoći;

DIO TREĆI – IZGLED I TEHNIČKE KARAKTERISTIKE UNIFORME

Član 9 (Boja uniforme)

Boja osnovne uniforme, odnosno njenih sastavnih dijelova je siva, osim za kožne dijelove i dijelove od kordure koji su izrađeni u crnoj boji.

Član 10 (Izgled, tehničke karakteristike, rokovi trajanja, zaduženje i način nošenja)

Izgled, tehničke karakteristike, rokove trajanja, zaduženje i način nošenja sastavnih dijelova uniforme i dodatne opreme, odlukom će propisati komandir Sudske policije.

DIO ČETVRTI – IZRADA, NOŠENJE, ODRŽAVANJE I UPOTREBA SASTAVNIH DIJELOVA UNIFORME

Član 11 (Izrada i nošenje sastavnih dijelova uniforme)

- (1) Sastavni dijelovi uniforme se izrađuju u standardnim veličinskim brojevima.
- (2) Sastavni dijelovi uniforme za službenike sudske policije bez obzira na pol, istog su izgleda i tehničkih karakteristika, s tim da su sastavni dijelovi uniforme namijenjene za službenike sudske policije ženskog pola prilagođene anatomske građi žene.
- (3) Prilikom određivanja nošenja sastavnih dijelova uniforme, komandir Sudske policije vodi računa i o jednoobraznom izgledu službenika sudske policije angažiranih na istoj radnoj aktivnosti, a u zavisnosti od vrste zadužene uniforme, vrste radne aktivnosti, mjesta i vremena izvršenja radne aktivnosti.

Član 12
(Održavanje i upotreba sastavnih dijelova uniforme)

(1) Službenik sudske policije je zadužen dijelove uniforme i dodatne opreme dužan održavati i nositi propisano i u urednom stanju.

(2) Službeniku sudske policije nije dozvoljeno prekrajanje sastavni dijelova uniforme.

(3) Službeniku sudske policije nije dozvoljeno posuđivanje, niti davanje sastavnih dijelova uniforme i dodatne opreme drugim osobama, a posuđivanja sastavnih dijelova uniforme drugom službeniku sudske policije je dozvoljeno us saglasnost neposrednog rukovodioca.

(4) Službeniku sudske policije ne smije van službe upotrebljavati sastavne dijelove uniforme i dodatne opreme, a posebno ne smije upotrebljavati sastavne dijelove uniforme i dodatne opreme u slučajevima:

- a) kao učesnik građanskog okupljanja ili javnog protesta;
- b) za vrijeme udaljenja sa dužnosti / suspenzije;
- c) za vrijeme korištenja plaćenog ili neplaćenog odsustva.

DIO PETI – ZADUŽENJE, ZAMJENA I RAZDUŽENJE UNIFORMI

Član 13
(Zaduženje uniforme)

(1) Službenik sudske policije sastavne dijelove uniforme zadužuje u skladu sa Odlukom iz člana 10. ovog Pravilnika.

(2) Rokovi trajanja sastavnih dijelova uniforme i dodatne opreme mogu se produžiti za vrijeme dužeg odsustva službenika sudske policije.

(3) Nabavka i zamjena pojedinih sastavnih dijelova uniforme je uslovljeno raspoloživim finansijskim sredstvima.

(4) Sastavne dijelove uniforme i dodatne opreme službenik sudske policije može dužiti lično ili samo za vrijeme trajanja određene radne aktivnosti.

(5) Komandir Sudske policije obavezan je redovnim praćenjem brinuti o trenutnom stanju ispravnosti i urednosti sastavnih dijelova uniforme, oznaka i dodatne opreme koju duži službenik sudske policije, te kroz izvještaj i plan rada ili druge pisane akte iskazivati eventualne potrebe za nabavkom, zamjenom ili popravkom sastavnih dijelova uniforme i dodatne opreme.

Član 14 (Zamjena uniforme)

(1) Zamjena pojedinih sastavnih dijelova uniforme i dodatne opreme vrši se po isteku propisanog roka trajanja.

(2) Službenik sudske policije može i prije isteka propisanog roka trajanja zamijeniti oštećene sastavne dijelove uniforme, dodatne opreme i oznaka, ako su isti prilikom korištenja oštećeni ili dotrajali.

(3) U slučaju iz prethodnog stava službenik sudske policije dužan je komandiru Sudske policije podnijeti pismeno obrazložen zahtjev za zamjenu oštećenog ili dotrajalog dijela uniforme, dodatne opreme ili oznake, pri čemu je oštećeni ili dotrajali dio obavezan priložiti ili dostaviti na uvid.

(4) Komandir Sudske policije će uz prethodno pribavljenu saglasnost predsjednika Pravosudne komisije, zatražiti zamjenu oštećenog ili dotrajalog sastavnog dijela uniforme, dodatne opreme ili oznake.

Član 15 (Razduženje uniforme)

(1) Službenik sudske policije kojem je prestao radni odnos u Sudskoj policiji je, u roku od sedam dana od dana prestanka radnog odnosa, obavezan je razdužiti sve sastavne dijelove uniforme i dodatnu opremu kojima nije istekao rok trajanja.

(2) Službenik sudske policije je sa sastavnih dijelova uniforme i dodatne opreme, kojoj je istekao rok trajanja, koja se ne razdužuje i koja je otpisana, obavezan skinuti oznake Sudske policije, te spriječiti eventualnu zloupotrebu preostalih sastavnih dijelova uniformi i opreme.

Član 16 (Vođenje evidencije)

(1) Sudska policija će voditi evidenciju o izdatim sastavnim dijelovima uniforme i dodatne opreme.

(2) Za svakog službenika sudske policije vodi se karton ličnog zaduženja i razduženja sastavnih dijelova uniforme i dodatne opreme.

DIO ŠESTI – OZNAKE NA UNIFORMI

Član 17 (Oznake na uniformi)

Na uniformi Sudske policije nose se sljedeće oznake:

a) amblem Sudske policije;

- b) značka Sudske policije;
- c) oznake čina;
- d) oznaka za kapu kačket.

Član 18

(Položaj oznaka na uniformi)

(1) Amblem Sudske policije nosi se na lijevom rukavu na sastavnim dijelovima osnovne uniforme (košulje i jakne).

(2) Značka Sudske policije nosi se iznad lijevog džepa gornjih dijelova uniforme (košulje i jakne).

(3) Oznake čina na sastavnim dijelovima osnovne uniforme (košulje i jakne) nose se na naramenicama.

(4) Oznaka za kapu kačket u obliku značke Sudske policije, nosi se na prednjem centralnom dijelu kape kačketa.

Član 19

(Amblem Sudske policije)

Amblem Sudske policije štitastog je oblika, svijetlo plave boje, visine 110 mm i širine 90 mm. Oivičen je sa unutrašnje strane izvezenom trakom zlatno žute boje širine 5 mm. U sredini gornjeg dijela amblema nalazi se natpis „Sudska policija“ (oba pisma) bijele boje, ispod kojeg je izvezen grb Bosne i Hercegovine utvrđenih boja, dimenzija 40x30 mm. Na polukružnoj površini koja se nalazi na izvodnicima štitastog oblika amblema, zlatno žutom bojom ispisano je „Brčko distrikt BiH“ (na oba pisma).

Član 21

(Značka Sudske policije)

Službenik sudske policije nosi značku Sudske policije u skladu sa odredbama Pravilnika o službenoj legitimaciji i znački u Sudskoj policiji.

Član 22

(Oznaka čina)

Službenik sudske policije nosi oznake čina u skladu sa odredbama Uredbe o činovima u Sudskoj policiji.

Član 23

(Oznaka za kapu)

Oznaka za kapu je osmougaonog oblika dimenzija 35X35 mm, na kome su simetrično raspoređene linije u obliku zraka, u čijem središtu se nalazi grb Bosne i Hercegovine u boji. Iznad grba stoji natpis: „SUDSKA POLICIJA“ (oba pisma), a tekst „BRČKO DISTRIKTA

BIH“ (oba pisma) ispisan sa lijeve i desne strane grba na polukružnoj površini, koja prati izvodnice štitastog oblika grba. Ispod grba nalazi se broj značke koji odgovara broju službene legitimacije.

DIO SEDMI – NADZOR NAD PRIMJENOM PRAVILNIKA

Član 24 (Kontrola i nadzor)

Neposrednu kontrolu i nadzor u pogledu namjenskog i jednoobraznog korištenja uniforme, sastavnih dijelova uniforme, oznaka i dodatne opreme vrši komandir Sudske policije.

Član 25 (Povreda službene dužnosti)

Nepridržavanje odredabi ovog Pravilnika predstavlja povredu službene dužnosti, koja će se utvrđivati u skladu sa odredbama Pravilnika o disciplinskoj i materijalnoj odgovornosti u Sudskoj policiji.

DIO OSMI – PRIJELAZNE I ZAVRŠNE ODREDBE

Član 26 (Zaduženje uniformi)

(1) Uniforma, odnosno sastavni dijelovi uniforme, oznake i dodatna oprema propisane ovim Pravilnikom, zaduživati će se sukcesivno, kada se stvore budžetske pretpostavke i provedu propisane procedure za nabavku istih.

(2) Do zaduživanja uniforme, odnosno sastavni dijelovi uniforme, oznake i dodatna oprema propisane ovim Pravilnikom, službenici Sudske policije nose uniformu, odnosno sastavne dijelove uniforme, oznake i dodatna oprema, te su se dužni pridržavati odredbi Pravilnika o uniformi i oznakama na uniformi, koje se odnose na iste.

Član 27 (Prilozi Pravilnika)

Uz ovaj Pravilnik je sačinjen prilog i čini njegov sastavni dio:

Prilog 1.:

- Obrazac 1. - Izgled Amblema Sudske policije;
- Obrazac 2. - Izgled Oznake za kapu.

Član 28
(Stupanje na snagu)

Ovaj Pravilnik stupa na snagu danom donošenja i bit će objavljen u "Službenom glasniku Brčko distrikta BiH".

PREDSJEDNIK
PRAVOSUDNE KOMISIJE

Safet Pizović

Broj: SuPK-03-____/21

Datum: _____.

OBRAZAC 1 – IZGLED AMBLEMA SUDSKE POLICIJE



OBRAZAC 2 – IZGLED OZNAKE ZA KAPU

